



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

CCLVIII. Henning, Bischof von Camin, überträgt dem Andreas Siseken das
Pfarramt zu Blindow und Dower, am 4. März 1447.

Nutzungsbedingungen

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

CCLVIII. Henning, Bischof von Camin, überträgt dem Andreas Siseken das Pfarramt zu Blindow und Dower, am 4. März 1447.

Henninghus, Dei gratia Electus Confirmatus Caminensis, Discreto viro Andree Siseken, presbytero nostre dioeceseos, Salutem in Domino. Ad presentationem prouidorum virorum Henninghi Kyritzen, Conradi Goritzen, proconsulum, Johannis Schawenvlet, Nicolai Grefen, Nicolai Kok, Petri Damerowen, Mathie Breeft, Conradi Klinkebyl, Nicolai Meyneken et Nicolai Weser, consulum opidi Premflow, nostre dioeceseos ecclesiam vacantem per obitum Domini Alberti Vos vltimi rectoris eiusdem cum spirituum et temporalium administratione et cura plebis eiusdem vobis tenore presentium committimus et conferimus in animam vestram salubriter gubernandam, Mandamus vobis Dominis presbyteris et clericis nostre dioeceseos presentibus requisitis et vestrum cuilibet, quatenus vice et autoritate nostra dictum dominum Andream in et ad possessionem prefate ecclesie Juriumque fructuum et obventionum omnium eius ducatis corporalem facietisque sibi et nulli alteri de eisdem integre responderi, Et precipiatis populo ad eandem ecclesiam pertinenti, quatenus ipsi domino Andree, tanquam eius uero plebano et pastori, debitam reuerenciam exhibeat et honorem, Quodque dictam ecclesiam ville Blinghow vna cum ecclesia ville Dower, nostre dioecesis, cuius fructus et prouentus adeo modici, tenues et exiles existunt, quod ex eis solis ipsius rector se competenter sustentare non poterit, hinc regere et possidere et fructus ac prouentus inde percipere possit et valeat tenore presentium vobiscum nunc dispensamus, Quamquidem ecclesiam ville Douwer de consensu Honorabilium virorum Domini ffrancisci hoppen, presbyteri, et Nicolai holstendorp, patronorum eiusdem prefate ecclesie ville Blinghow, ad vitam dicti domini Andree Siseke duntaxat, presentibus apponimus, applicamus et incorporamus et eisdem vnimus et huiusmodi incorporacionem et vnionem auctoritate nostra ordinaria confirmamus per presentes. Datum Camin, Anno Domini M^o. CD^o. XLVII^o., mensis Marcii die quarta, vicariatus ecclesie nostre sub sigillo.

Aus Beckmann's Abschrift des Originals.

CCLIX. Bischof Johann, Vicar des Bischofes Henning von Camin, unterstützt die Gründung des Gertraud-Hospitals zu Prenzlau durch einen den Beitragenden bewilligten Ablass, am 31. Mai 1447.

Johannes, Dei et Apostolice sedis gratia Episcopus Constantionensis, Vicarius provincialis in pontificalibus Reverendi in Christo Domini, Domini Henninghi, Ecclesie Caminensis electi et confirmati, Vniuersis et singulis Christianis vtriusque sexus presentes nostras litteris inspecturis salutem et sinceram in Domino caritatem. Cum honorabiles viri Proconsules et Consules opidi Primflow, prefate Caminensis Dioeceseos, quoddam Hospitale pro vsu et hospitalitate peregrinorum et pauperum ibidem in multitudine copiosa cottidie confluentium et quandam Capellam